

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

**Sanctae Mechtildis virginis ordinis Sancti Benedicti Liber
specialis gratiae**

**Mechthild <von Hackeborn>
Mechthild <von Magdeburg>**

Pictavii, 1877

LVIII. De sancto Gabriele.

[urn:nbn:de:bsz:31-60070](#)

stabit terrestris paradisus; et cum judicium suum Deus fecerit, ipse etiam abolebitur cœlestis paradisus, nam in domo communis omnes habitabunt qui ad Deum venire potuerunt, nec infirmorum aliqua supererit domus; qui enim ad Dei regnum pervenit, ab omni liber est infirmitate. Laudetur Jesus Christus, qui nobis suum regnum concessit.

LVIII. DE SANCTO GABRIELE.

SANCTE Gabriel Angele, memento mei ! Mei desiderii nuntium commendo tibi : meo dilectissimo Domino Iesu Christo nuntia quantum præ amore ad illum sim ægrotans, et si quando inde sanari debeam, ipsum meum esse medicum necesse est. Illi fideliter explica vulnera quæ mihi ipse inflixit, quæ diutius non inuncta nec alligata ferre nequeo. Vulneravit me usque ad mortem, et nunc cum me non unctam relinquit, sanari nunquam potero. Et si montes universi vulneribus aptum unguentum, et aquæ omnes salutifer potus, et quæque arbores cum floribus salutaris alligatura vulneris essent, nondum inde usquam sanarer. Sancte Gabriel Angele, memento mei ! hunc amoris nuntium commendo tibi.

Quicumque Deum diligere voluerit, hæc amatoria epistola ejus excitet sensum, si Deum sequi desideraverit.

LIX. QUALITATI ANTE DEUM NUNTII ADVENTUS.

VERITATEM in spiritu meo optime accepi, meum nuntium ad Deum pervenisse. Responsum vero quod mihi referendum est, tam magnum, tam potens, tam profundum, multimodum, delicosum et luminosum est, ut accipere illud nequeam, quamdiu terrestris homo ero ; verum breve tempus ab hac misera vita discedam, sique ibi nonquam amplius manebo. Verum tamen de hoc cito silere cogor ; nec mihi plus inde licet concipere quam quis posset manifesto exprimere ; magis enim sanctum Gabrielem in referta deliciis gloria, in cœlo-